



KOMUNIKADO PA PRENSA

Fecha
12 mei 2016

Kolaboradó di Maneho
Corinne Leysner

Email
corinne.leysner@gobiernu.cw

KAYANAN DI KORSOU TA HANA LIÑA MAS DURADERO Trabou ta tuma lugá den oranan di anochi

Willemstad – Riba dia 16 di mei próksimo, Ministerio di Tráfiko, Transporte i Planifikashon Urbano, pa medio di Servisio di Obra Públiko, ta kuminsá ku markamentu di un total di 29.000 m² di liña i símbolo riba kaya, pa asina hasi e indikashonnan aki miho visibel. Esaki ta pas komplétamente den e filosofia di e ministerio i Obra Públiko pa logra obtené un trafiko mas sigur i duradero. E trayekto di markamentu ta sosodé por lo pronto na Rònt Schottegat, Nijlweg i Emancipatieboulevard Dominico Martina. Despues ta sigui ku otro kaya ku tin mester di markamentu.

Mas duradero

Kontrali na markamentu di kaya anterior no ta usa fèrf mas pa marka e kayanan. Minister Suzy Camelia-Römer a pidi ekspertonan internashonal pa yuda Kòrsou investigá e mihó material pa usa riba nos kareteranan, teniendo kuenta ku e kalor ku ta pone fèrf kita lihé for di asfalt. Awor ta bai usa material dos komponente ku ta pega riba e asfalt i ku ta hopi mas duradero. E kontratista MNO Vervat ta hasi uso di un vehíkulo i personal tékniko spesial ku a bini for di Ulanda pa hasi e trabounan.

Trabounan den oranan di anochi

E trabounan tin un durashon di 3 luna. Pas hasi e trabounan mas efisiente i efikas, a repartí e kamindanan menshoná den 32 pida. Pa okashoná ménos molèster posibel pa tráfiko, habitantenan i komersiantenan, ta hasi e trabounan di djaluna pa djabièrnè parti anochi, di 8'or di anochi pa 4' or di mardugá. Via di diferente medio di komunikashon e ministerio ta anunsiá semanalmente i diariamente kua parti di e kamindanan ta na bürt i den kua periodo.

Bon prepará i ku atenshon pa siguridat

Den e simannan ku a pasa MNO Vervat a hasi preparashonnan riba e kayanan ku ta bai marka. Nan a tuma medida di prekoushon pa tráfiko por a tene kuenta ku e trabounan. Pa e trabounan ku ta tuma lugá durante di e oranan di anochi ta tuma mas medida, den forma di vehíkulonon ku lus, bòrchinan iluminá i personal ku por duna splikashon i guia na e sitionan kaminda ta traha. Ministerio di Tráfiko, Transporte i Planifikashon Urbano pa medio di Servisio di Obra Públiko i polis tékniko ta pidi públiko pa tene kuenta ku e trabounan i pa kore ku koutela.